

Rávvagat COVID-19 dávdaluvvama (*su. altistus*) geažil karantenii mearriduvvon olbmui

Koronavirus (COVID-19) lea árvoštallon dábálašváralaš njoammudávdan. Njoammudávdalága (1227/2016) mielde giedda dahje buohccedikšunbiirre virgegaskavuđot njoammudávddain vástideaddji doavttir sáhtá mearridit karantenii dábálašváralaš dahje dábálašváralažžan luhtolaččat navdon njoammudávdii buohccán olbmo dahje olbmo, gii luhtolaččat eahpiduvvo leat buohccán. Ruoktokarantenain dárkkuhuvvo ruovttus orrun ja dainna figgojuvvo dasa, ahte eastaduvvojit joatkkanjoammumat.

Karantenii mearriduvvon dávdaluvvan olmmoš galgá

- bissut ruovttus
- vealtat sosiálalaš kontávttaid (bearašlahtuiguin, geat leat seammá dállođoalus, oažžu leat dahkamušas)
- bissut siste. Goittotge iežas šiljus oažžu johtalit, juos šiljus eai leat eará olbmot (omd. bearašdállu). Bákkolaš diliin sáhtá olgun fitnat ja lihkadit (omd. beatnagiin), muhto eará olbmuiin ferte bissut badjel 2 mehtera duohken.
- leat jotkkolaččat fáhtemis.
- váldit oktavuoda iežas dearvvasvuodaguovddáži tel. _____ juos sutnje bohtet dávdaovdasat (nuorvvu, gosahat, čottabávččas, feber, smáhken- dahje haksináiccu nuppástus, čovjebávččas/čoalas). Dalle dávdaluvvan olmmoš testejuvvo COVID-19 dihtii.
- it oaččo fitnat borramušgávppis. Oapmahaččat, geat eai leat karantenas, sáhttet fitnat gávppis. Juos dus ii leat oktage, gii sáhtá fitnat gávppis du beales, de váldde oktavuoda iežat gildii.
- dávdaluvvan bearašlahut eai leat karantenas muhto sii sáhttet eallit normála eallima. Dilli rievdá, juos dávdaluvvan olmmoš buohccá.
- dávdamearkkahis olbmuid testen ii atte luohtehahti bohtosiid njoammuma birra.

Karantenaáigi meroštallo buohcci mielde.

- Dávdaluvvan olbmo karantenaáigi lea 14 jándora mañimuš dávdaluvvamis.
- Bearašdávvaluvvamis karantena guhkkodat lea 14 jándora (2 vahku) positiivvalaš dáhphusa dávdaovdasiid álggus. Juos seamma bearrašis buohccájit eambo olbmot, karantenaáigi joatkašuvvá. Dalle áigi rehkenasttojuvvo ođđasit mañimuš buohccán bearašláhtu dávdaovdasiid álggus. Bearašdávvaluvvamis karantenaáigi lea goittotge eanemus 4 vahku.

Karantenui mearriduvvon olmmoš, guhte lea bargoeallimis, lea vuoigadahtton njoammudávdalága mielásaš njoammudávdabeaiveruhtii, mii ohcco KELA:s karantenamearrádusain, man lea vuollái čállán gieldda/buohccedikšunbiirre njoammudávdain vástideaddji doavttir. Vuollái 16-jahkásaš máná fuolaheaddjis lea vuoigatvuohta njoammudávdabeaiveruhtii, juos máná lea mearriduvvon karantenui ja fuolaheaddji ii danin sáhte bargat barggu.

Lassidieđut njoammudávdabeaiveruđa birra: KELA Njoammudávdabeaiveruhta